

沅
湘
耆
舊
集

死相書舊集卷第五十二

新化鄧顯鶴湘臯編輯

長沙毛國翰青垣校訂

湖湘野史易貞言

四首

貞言字內美號初軒別號湖湘野史湘鄉人著有
愛日堂詩集子五人皆知名兩舉鴻博內美先生
七歲失怙哀毀如成人葬父畢家人皆歸獨號泣
墓側百計誘之不去家人乃築廬墓旁居之服闋
哭奠如初喪督學黃仲霖先生亟賞異之弱冠卽
遭國變嘗棄兩歲兒出其祖於城中入本朝棄
巾服號湖湘野史以終事母曲盡色養以孝旌其

至行如此詩寄託深遠故國之感時露言外當與
陶郭諸老同列明代以其入 本朝六十年一時
名人最爲老壽故次之 國朝云

金紫峯

七十二峯湘水曲回雁爲首靈麓足獨有一峯在湘鄉金
紫映日光可燭金紫之高入青冥與衡抗禮儼分庭不就
臣列若拱揖吞吐雲霞相對青千山萬嶺兒孫列各一洞
天生面別緇流垂教已千年說法談經精禪悅石徑崎嶇
曲折行萬竿玉立竹風清竇乳泉流飛絕壁金添鎖碎玉
琤琤曳尾白鵝鳴有鹿鳥獸馴人不驚伏集掌夾轂等尋
常山中盛事忘機熟野人入山恐不深何必營懷畢向禽

嬾殘煨芋休相誘
鄴侯久絕出山心

廬州

曲折廬州洋揚帆
歲再過柳枯青眼少
浪老白頭多秋色
生鴻雁斜陽戀薜蘿
唾壺休浪擊江上有漁蓑

冬日課諸兒

故物青氈漫棄貧
三餘努力趁閒身
休將遇合逢時好
自許沈酣見古人
左史浮誇猶有癖
杜陵悲壯不無神
金鍼莫謂真難度
好向書城一問津

偶興

硯北孤蹤歲月遲
龍鱗剝盡長松枝
宮前綠竹談天寶
籬下黃花老義熙
庾信漫裁枯樹賦
昌黎合詠晚香詩
不須

避世誇金馬邁軸從知好不移

陳隱君宏範二十二首

宏範字迺錫一字伯子長沙人前明諸生慷慨負
奇氣遭世亂常以澄清爲己任迨入 本朝佐洪
經畧招撫黃州山砦事訖薦授偏沅副將不就引
疾歸以詩酒自娛久之卒有東祝堂詩草伯子當
鼎革之際散金結客與陶密庵朱子昭諸人深相
結納意欲揮魯陽之戈挽虞淵之日旣知事不可
爲無由深匿又蒿目時艱眷懷桑梓不忍坐視翻
然一出翩然遠引君子可哀其志矣密公集中有
送陳伯子復下江黃詩云愛子山居有草亭橘煙

香細草煙暝片帆每欲淩秋漲一嘯猶能響洞庭
海內平原金已盡山中彛石酒初醒過江應語橫
空鶴坡老頽然夢未形先生出處本末畧見於此
可作小傳讀也伯子詩意境幽秀雖稍近竟陵派
而深造過之書法險勁似密翁而渾融過之余往
歲嘗攜吾宗子與先生詩蹟示人徧徵海內名流
題詠一日過伯子六世孫堯農水部本欽家見所
藏先生手書東祝堂五言近體詩一大冊神采奕
然驚歎不已因出子與墨蹟共相誇詫目爲至寶
時道州何子貞紹基在坐紀以詩所云何來塵穢
發古紙令我眯眼驚虹光陳公草堂句淩亂鄧子

方外吟楚涼者也。比諄屬堯農裝潢珍藏約他日
同入貞珉以垂久遠。別後時恨恨於懷不置。嗣堯
農爲京朝官攜之徧示朝士。一時文章巨老皆有
題識。而兩先生名姓遂晦而復顯。今輯其詩入斯
集。仍附錄諸家題詠於左。不禁爲之嬋媛太息也。
侯官林總制則徐詩云。拓戟軍門爲受降。功成長
揖臥湘江。書生一掬滄桑淚。迸入吟筒健筆打五
字。長城無劫灰。何人擊筑弔西臺。將軍揖客相知
晚。不救松山十萬哀。歛縣程侍郎恩澤詩云。招降
功竟謝。征聲自檢新。篇續舊題筆。陣不隨荆棘沒。
過江猶見索征西。明詩埽地鍾譚出。誰挽頽風說
建安。卻愛閉門陳正字。清如郊島健如韓。朝衣已
換洪。亭九記室空嗟史。道都一卷谷音留。閒氣胡
湘耆舊宋遺民。福州梁中丞章鉅詩云。右軍之腕
杜老骨。照眼俊似霜前鶻。不獨詞翰傳當時。參佐
黃州埽因悖。功成卻告如魯連。衡嶽極天雙突兀。
蕭湘芳草今猶昔。輕鷗矯翼波出沒。我行道出定

王城打取寒嶺薦秋月善化賀中丞長齡詩云節
義人湖杜陵老高文動寥廓浩氣懸晴昊曠代得
鍾譚輩氣象日衰稿茶陵久不作大雅跡如埽健
筆出蒿萊力挽狂瀾倒繫惟復古功誰識匡時抱
桓桓洪經畧秉鉞專征討江漢起風塵餘孽山澤
保獨爲借箸籌功奪元戎蘇長揖歸田廬高蹤躡
綺船白雲白卷舒清風淨炎埃餘技事詞翰秀骨
銀河濯文孫手澤珍永爲希世寶固始吳中丞其
濟詩云湘上白雲來去閒魯連一箭拂衣還書生
萬古韜鈴在筆陣詩壇露一斑光黃蹕躡一城存
山寇紛紛尙樹樊今讀先生招撫續始知桑梓有
遺恩宜黃黃侍郎爵滋詩云湖漲風吹落天氛雨
洗清千秋奇士際一笑列侯輕餘事關天授遺民
感世平長沙舊時月圓缺古今情華亭張按察祥
河詩云黃州招撫濟時賢知遇南安豈偶然借箸
功成長揖去湖湘好月盡情圓東視堂高萬慮空
米書杜律儘堪雄長少好補遺民傳亮節英風五
字中儀徵阮相國元跋云陳堯農水部出示六世
祖題錫先生手書詩書法似枝山香光未多讓詩

二卷皆五律如清苑隨意切好月盡情圓僧面來
秋色輝齊破晚煙晴都儀旱皮雨細窮天故園
空白社客路走黃金空天人一影遠道月孤涼皆
名句也壽陽祁侍郎寓藻跋云先生工詩賦尤善
草隸此卷書法堅蒼峭秀想見其人其今體詩夏
夏獨造寄託遙深并沈沈少陵集無此意境筆力
惜全集不傳僅存殘稿堯農恐其散佚重釐爲二
卷可謂能承手澤矣其慎寶之安化陶文毅謝跋
云勝國末年楚南當兵燹之衝一時文章之士率
以節義自持埋沒不彰者多矣如馮根公陶仲調
郭些庵王而農周仲聲郭幼瑰皆名賢大手筆也
他如吳道行見可子瑜古度楊會英嘉生彭月濤
孺子張聖型于疇車以遵孝思潘應斗章辰駿首
昇平子瞿龍躍天門石之現元美季嗣先創初劉
瑄他山廖國遴孟符黃周星九煙朱慈雅愷郎楊
啟華禹心王二南放叟陳來學開之周聖楷伯孔
皆卓有才名此內惟平子議論不能悉醇伯孔以
迫脅沒於亂識者惜之其餘皆節義文士也二百
年來古光片羽所存無幾甚至有不能舉其姓名
者可嘆也茲乃復見迺錫先生之詩是卷爲先生
自書東祝堂五言律稿格律蒼老於同時竟陵諸
子外自成一家書法沈著俊快超然入古不落宋

以後衆曰想見其志趣不凡也詩凡四十二首其
大世孫庶吉士本欽懼手澤之溼也重裝爲二軸
以見示因題其後以
廣吾鄉文獻之徵云

吳穀泗以廣文歸

喜此沈沈雨送君遲遲行若爲弟兄眷乃出兒女情世味
皆如苜我生儘作萍各將年視事先後認長庚

無知上人

行慧非吾事談宗得妙傳指遑作詮解晤已狂幾先我亦
脫諸業而能說自然莫因頭點石空抱水晶眠

秋初訪友人不值

酷暑誰能犯惟君向遠征溪頭響獨聽階下月空明百尺
留清夢孤吟納野情近來蹤跡異樽酒對誰傾

同盧元捷過家叔吟淇山莊限田字二首

當道皆桑梓
芸歌鬪遠田
譏晴都議早
皮雨細窺天
饋食同趨餉
祈豐各抱甌
此閒誰作社
見說有安辛

挈旅尋幽域
盤蔬達遠阡
松聲淩絕岫
流響入平田
更酌醒還醒
繁歌妙自妍
未妨雙呂續
聊竟二疏賢

歲癸巳八月十五夜飲長沙客寓同陶仲調朱子昭
道已秋屆半瑤京
碾玉盤人閒輪一作天上會重完分影
鄰危合長吟何處闌
束身都是檻繼照幸從寬

按是年長沙獄起密翁子昭俱牽連被逮玩詩意時獄已將解矣

旅夜露坐和高羽可八首

遠月欣相照
清光付客邊
豈因一度見
卻重幾回憐
僧而

來秋色蟲聲破晚煙不堪濁酒對起共蒯緱眠

我復何關爾無言總置之設身千里外處世兩難時白月
尋孤酌黃花憶舊籬微風欣一至歷歷已先期

羈組江天暮秋風次第深故園空白社客路走黃金老集
山妻面驚橫稚子心只今雙闔眼冷縫解誰尋

鳴雞殊未慎誤度旅行人鬼叫三更月猿吹斷渚薪寒心
期共飽羈况許誰親斟酌窮途遇迂迴歷苦辛

非是辭卮酒今知惜醉狂空天人一影遠道月孤涼見我
同梅瘦爲誰教菊黃博來清夢熟不臥祖家牀

落落成深坐悠然遠念餘天將一夕靜月令滿城虛彭澤

初耽酒武昌又賦魚已知學劍誤碌碌爲誰書

事往身看健，貧餘味可親。周旋方暱我，呼叫豈容人。蠶極
仍應倦，饑或偶真邀。來一片月，不染亮樓塵。
勞將黃鵠石，爲作旅人塵。夢落盧生後，樂尋坡老前。清笳
隨意切，好月盡情圓。搔首驚飛雁，故鄉何許天。

送羽修還里答韻

何地不相遇，安能互見心。勞驂千里駕，息舍四窗尋。東望
情偕至，南懷理獨深。鴻冥知避繫，霄漢自吹音。

鄂都同何恭遲歸棹長沙作

金日宿風

浪勁槽翻柔，迴帆翦逆流。天光兩岸下，暮色一江收。出口
逢濤悍，經心使汗周。不辭身試險，昏夜相磯頭。

麤洲遇雨

我爲舟楫日天方霖雨時若商行止事聊示去留期占霽
家山近尋歸旅路奇從龍有真彥不怨溼霑衣

尚灘就夜

晚照斷虹明汀洲散綠英牛閒筇筍韻鶴遠絕絃情凌夜
寒方襲分秋旦始平緣蘆簑釣處耐息關歌行

新隄觀渡

湘山一湖隔鄉望十分難蝴蝶縈衾夢鴻魚索筆端眼穿
秋月滅心醉水天寬犇影疑帆幃煙明是鴨闌

巴郡登樓

不是盈湖綠那知天際清隊霞浮綵亂遲月送波輕翠帖

山容淺紅收笛韻平樂憂誰與共消長有同情

蘆林小泊

十年避山谷而今復浪游寒蹠甯負日健翮已分秋鱸美
洵知味漁吟聽轉愁收湖尙未歇何敢駐中流

和人詠紅梅

羅浮春色見南枝領袖千紅表異姿峻節豈因風氣轉芳
姿還耐雪霜欺珊瑚樹裏寒香斷琥珀杯中瘦影窺索笑
幾番惟命洒開顏便覺醉相持

按此詩從楚詩紀探入詩紀作
陳範字廻錫蓋誤脫中一字也

郭野臣良史十六首

良史字野臣別號者齋益陽人些庵先生之子順

治初貢生有斐餘快遊稿佃香齋諸集野臣詩才
雄健不愧名父之子余輯資江耆舊集時仍明詩
綜列入明代今從湖南通志選舉表改歸國朝
與唐袖石劉澹山諸先生同一例云

過洞庭

洞庭望無涯孤舟隨浪仄達士心目空迂儒有驚色誰謂
身試非此身原不測

接婦行

昔接婦夜窗雨今也殊罷機杼昔接婦但短髮今也殊施
六笄昔接婦恒潛身今也殊出拜人昔接婦出辭緩今也
殊訴夫短

朱仙鎮岳鄂王廟

鄂王自分黃龍飲誰料朱仙拔戰營信誓河山歸狴犴古
祠松柏付颺颺悲來涕淚無今古事去君臣失合并辛苦
中原諸父老壺漿虛費馬頭迎

鶴天寓

白雲去後久無期愧我相乘骨尙癡時似遼歸陵谷嘆世
俱猿化鬼神噫行何踽踽誰爲似立自亭亭若有思飛去
當年王謝燕漫因仙鳥訂相知

孤芳喋唼太悠哉過客矜傳貝嶠來粉壁乍添高士影閒
庭不埽凍雲堆松難偃蓋愁棲魄琴挂無絃伴寫哀性定
莫嗔慵與拙經營花鳥亦閒才

洞庭秋和家大人韻

肥波巨浪霎時平湖面於今太瘦生寒雨一天孤雁重朔
風萬里片帆輕叫歌非欲傾千盞野泊那堪睡五更蟋蟀
不言天漏永騷人有夢接喬瑩

世事紛紜說謬悠更於何處夢莊周乾坤自醲蕭條意魚
鳥能爲汗漫游十日何人非后羿九天此際憶靈修臨川
處處悲東逝試看波平水不流

逍遙蹤跡類飄蓬碧水遐天一色空楚闊雲深藏渤澥天
寒日暮守魚蟲數聲羌笛關山外一部離騷風雨中移卻
君山日無翳瀟湘今日有愚公

雪消春到水秋沈淨洗蛾眉積碧潯宋玉悲來無字句湘

妃怨譜沒絃琴葬身魚腹心難死滴淚琅玕哭更深安得
同人相靜對穆然一條未來心

蠡測愚夫眼一開馮夷瀟灑傲堪杯蕩空草木秋無著看
到滄桑水亦哀帘老巴陵仙客酒嵐穿磊石米家堆一從
夕鳥思歸後無限離愁此際來

百川漲落小朝宗一葉聊當五嶽筇天水有痕將玉砌乾
坤無處著雲封雁裝草草憑霜束鷗性閒閒到水慵兩眼
如箕天地窄息吹生物一冰籠

流抵孤城始覺澤望無涯際步無缸北來霜信同荒朔東
去雄心付大江一掌仙盤承露冷千帆鰲影望風降白蘋
紅蓼無從觸不解愁悲滿一腔

身當縹渺意難支地軸東南亦有虧烏兔浴翻天未老蛟
龍夢穩夜何其一聲鼓柁歌漁父幾處臨風憶子皮極目
雲低波沒際蕭條情緒此中馳

白藏識氣不聞馱枉殺黃花屋裏肥帝子丹還傾永鼎鮫
人泣滿織珠幃嵯峨孤嶽纔堪望齷齪東籬不足歸判到
大觀甯倒腹阿童時挾錦囊隨

蓐收按轡洗塵區翻倒銀河瀉一湖寒浸水深霜愈傲光
涵波淨月增癯沈杯有客飛青漢散髮何人坐覆盂砍得
杜家擎石斧湘南方許作詩逋

愁棘無端一筆芟何須存楚說亡凡雁情不似魚蝦國霜
信難封日月函渴對酒香思渺渺怕聞楚些厭喃喃從今

判作逋逃客倚杖仙人借道衙

懋袖石懋載 三首

懋載字袖石邵陽人順治朝貢生父興賢明未歲
薦爲一時儒碩袖石幼奇警博洽工詩有綠聲亭
集車孝思陶仲調諸老皆樂與之遊孝思題其集
詩有似君長吉亦卑之三十六體皆可廢之句可
以想其詩境矣惜不見全集僅存二律高情遠韻
不爲凡響可寶也袖石兄懋思以貢官公安訓導
亦能詩詞其集久佚按袖石先生父興賢字泰宇江者舊集誤作興仁今正
園中寄懷修郡乘諸君子按諸君爲車孝思蔣彌少舒若訥王稚潛劉詹山
圓蕉篁影綠交沈說是深藏尙未深神錄有稽難信博遂

初無賦解棲尋離多始悔暫前晤老到方思理夙心一自
僧歸聽易徹空山風雨向誰吟

同友人採蘭大雲山便宿石雲庵卽事

竹香十里快幽行庵席雲阿傍厂平妙悟採蘭遭鼻使深
宵聽雨覺泉爭僧知眷客存山供佛肯多男亦世情憶得
隔年櫻筍路雨風依舊妬人清

砥柱磯夕望

破寺殘鐘蕭客魂戍煙陰雨驟荒村遊人半是兜鍪客不
見僧歸款石門

劉澹山應祁 三首

應祁字澹山邵陽人順治朝貢生父孔暉明崇禎

時官新鄭知縣流賊犯鄭殉城死最烈世稱默庵先生見明史忠義傳澹山有至性以父殉難母王早歿終身哀痛言及必流涕宗族有貧不能活者割產以贍嫁內外親孤女四人博學能文嘗與車孝思蔣彌少王稚潛唐袖石舒若訥諸君修郡志博雅簡潔非後人所及若訥殉父難死澹山與稚潛經理其身後甚至所爲文沈博浩瀚嘗見其龍山遊記洋洋數萬言敘次有法無一複沓語邵陵文獻孝思袖石稚潛理中而外殆無有逾於澹山者矣

浮雲石訪超宗禪師

負約何年始到山峯回徑轉便開顏知師不是人天至笑
我猶從泉石攀指示林崖疑幻境遙聽雞犬半人閒急隨
杖履雲邊立漫道安禪此日閑

訪陳伯是石人江上次車與三太史韻

閒看輕舟逐浪頭初春草木尙同秋連朝霞隱羣峯暗靜
夜濤驚亂水流題石正思黃魯直登高莫訝白江州我來
偶伴青鐙影頻坐元龍百尺樓

哭車孝思先生

螢蘆家學舊詞壇遺草豈同封禪看把臂竟陵齊樹幟追
蹤工部老揮翰久聞元亮稱徵士早見逢萌易挂冠搖落
真難遺一老澤湘誰爲挽狂瀾

曾訓導文貫 一首

文貫字子魯安化人順治朝貢生官東安訓導

秋日過石城橋

一帶幽棲賸幾家晴嵐晚弄夕陽遮坐閒談笑衣裳古醉
後支吾秦漢遼涼月在天清不寐寒蟬抱樹靜無嘩年年
愁愧主人意投轄於今興尙賒

蔣彌少大年 一首

大年字彌少邵陽人順治朝貢生性豪俠明季之
亂里魁多以意生死人彌少力爲救護入 國朝
壬辰癸巳閒郡初隸版圖瘡痍滿眼麻沸無常彌
少請於袁中丞廓宇脫鄉里於難且爲力懇免連

年荒稅以紓殘黎
疲喘蓋有功於鄉里者
詩僅得一首
寶慶府志稱其長於古體
惜不見也

資江酬友

敢將風雨怨途泥
山色遙憐望裏迷
放艇煙花同泛泛
懷人池草但萋萋
怪從北地來鴻鴈
肯爲東風逐馬蹏
楚澤由來悲滯客
浮雲不散萬峯西

左悔齋史 三首

史字悔齋醴陵人
順治朝貢生
詩不多亦竟陵派
湘江秋月分韻得影字

對月泊平沙
月明舟亦靜
洞庭氣常肅
不秋意先警
况復月露深
此際生微省
暮煙起野汀
迥然上層嶺
不知何寺

鐘悠悠度松影初雁甚分明聲光忽遠屏水月淨秋容是誰得孤領

閣夜

高閣陰先待殘霞落檻明靜能銷物累感不爲情生窗竹搖鐙影風琴雜澗聲幾番清夢裏天籟發孤鳴

早發自臧仙嶺行濃霧中

曉起失峯秀渾然灝氣中物情皆澹泊身世亦鴻濛探石方知徑臨巖始辨松仙家原不顯旋復隱琪宮

余陶石子錦二首

子錦字陶石辰溪人順治朝貢生有敬志堂文集
詩集辰州志陶石與米元偁劉恂劉澤長稱辰溪

四才子好吟詠善草書喜自放於山水他人所不到處摩挲殆遍又稱其古文清峭畧近柳州惜不盡傳也

鑑谿二洞詩 有引

洞無名以其地名之地之洞不一以庵與亭別之二洞皆列大道旁竟不得一顯於時然則物之裕於中而歉於外以孤高自向者甯第茲洞歟爲作鑑谿二洞詩

鑑谿山水惡山大水不清一泓極清者入洞潛其名我來訪遠公射窗飛水聲初疑斷雲瀑詢之乃洞鳴舍聞以趨見遂邇洞中行所隔幾何許山腰天削成石路苔不澀未躡已先驚崎嶇將欲至宏敞如相迎遙聽水聲外仙人吹

玉笙松影落澗碧白石沙晶晶剔蘚得古字讀之不能明
洞天列仙籍莫敢與之爭豈伊一天地乃與無名并信知
無名氏深閼以儲精

鑑溪

行邁匪遊觀信美出不意事有幸不幸誠當安命義鑑谿
路中亭非可理煙翠適余坐其中聊以當芳憩清風與之
俱石氣倏而異豈料褰褊閒奇境接造次偶爾矚洞窟駭
然移觀視一折轉堂皇萬怪積胸臆奇葩鮮可摘怪石看
欹墜隙日金玲瓏流雲花嫵媚置之水竹涯性命不可易
何爲泯風塵萬古泥九閼異代俟知音吾願爲之記

鑑溪亭洞

羅直夫賢舅

三首

賢甫字直夫益陽人順治朝貢生父見義明薦歷

朝舉 早卒其母蔡撫之成立蔡江門先生以純
節二字表其廬者也著有楓香亭草直夫爲文介
公兄子畱心文獻好談節義其紀明季賊陷長沙
益陽始末甚詳

蔡司李罵賊死節

妖星臨潭人股栗賊將迎降前屈膝公獨誓與城存亡結
束弓刀虹貫日死與不死爭斯須能得死所爲真儒田橫
有客願同死義重何惜尺寸膚人生亦各有懷抱可憐疾
風摧勁草小人有母藉君傳得君隻字等鴻寶君不見偷
生大豕草木腐惟此名節流傳千秋復萬古

賴學博冠帶斫手

臨危不苟避束帶表儒臣殉難二三子從捐千百身雖無
拳透爪猶有髮衝巾七尺鴻毛重三綱海嶽珍

溫庠士請劍免刑

米芾質其顛軾曰吾從衆有士溫太真弱而已好弄白刃
臨於前抗言猶雅諷我手不可斷微軀一以送

雷易心象乾一首

象乾字易心零陵人順治朝貢生陳忠潔公子壻
性狷介以窮約終身弟象坤字簡叔亦有詩名早

卒

哭忠潔公

京國風霾慘欲昏孤臣抱憤復何言誰將貔虎殲殘賊獨

把心肝奉至野薊北荒墳千古憾天南正氣一人存遺書
萬里勞相念慟哭甯徒甥舅恩

邱醉石式耘一首

式耘字嘉桴號醉石黔陽人康熙初貢生醉石爲
玉璫隱君之子與兄式耒式籽弟式耜皆有名於
時式籽以諸生殉國難時有自祭文譚岑止雅作
詩弔之所云遺骸應傍酈衡冢萬古同香鸚鵡洲
者也

憶祈年二兄

原注兄以諸生
抗節繫武昌獄

奉使於今已二年雁過未見落雲箋極知雄辨應難屈豈
有剛腸肯受憐棠棣庭前花黯澹春令原上羽翩翩男兒

一死無餘事看取丹心照簡編

陽孟達文燭二首

文燭字孟達一字洞如新化人康熙初貢生與弟
子威文燦齊名兄弟閉戶讀書不治生產時稱二
難

北塔松

塔影常臥松蒼龍動春蟄靈氣樓蚪枝晃搖千尺節謾謾
諸天來餘物不敢褻日照女蘿衣如透窗櫺穴對此忘曉
夕不禁清思發我欲買松風吹冷炎人骨塔上有金仙笑
我分秦越百年夢未圓千里一函月膏火自相煎山木何
須伐

白雲山

世外餘人遐心愛孤致所枉多雲樹能避五丁使正如
白雲山別有丹霞氣何山不白雲獨字此山異取徑得幽
尋蜿蜒亘無際數里踏風行怪泉分吼勢危崖陰伺人肅
武忌斜睨木石春秋高薜藤簾幕費石佛喜崖棲窟中置
天地憾多士女喧山靈不藏闕何時檄白雲封石如吾意
歐子直大生 三首

大生字子直衡陽人康熙中貢生船山先生有同
歐子直劉庶先登小雲山及深秋望歐子直數詩
可想見其人品矣

湖山寺迎春

沙洲舊集卷五十一
盈盈歸信聽江梅爲識湖山一面來客到鐘聲昨夜夢花
含林影隔年胎分陰漸惜千金價初地新飛億劫灰白雪
幾人餘古調青陽此日報香臺

瑤岡秋杪憶伯兄子萬歸信口占示哲仲姪

岩堯千步曲遙憶阮南居秋老叢開菊園荒小摘蔬慳人
珍一飯遲我贈雙魚因憶張羅外歸飛鳥自如

青楓初改葉白帝暫乘秋石出江煙瘦沙明雁跡畱常時
悲作客何處賦登樓花萼愁相問香醪未寫憂

郭宜章維寰

二首

維寰字宜章武岡諸生

楓門

奇到諸峯靜楓林映日低鴉羣爭樹晚客路似雲齊落葉
紅生壑攀蘿翠白梯巉崖千里外辛苦逢蠻蹊

懷威溪潘章辰夢白

閒園秋氣清樹樹亂秋聲一別荒城日同憐多病情好峯
寒照眼涼月夜依楹遙憶高松下長吟弟與兄

歐子萬大一首

大一字子萬衡陽人子直之兄康熙中貢生

過東岡村

招尋非素友兀坐對清尊積氣生雲雨深陰覆曉昏湖縣
欹樹影石老浸苔痕候憶身前事寒暄孰共論

蔣幼李常尊一首

常尊字幼李湘陰人康熙中貢生著有艾晉草幼
李爲天植先生之子趙友沂舍人壻也陶澐庵集
中有長沙雨中同郭幼隗朱子昭攜蔣郎赴趙友
沂中翰選壻卽席索和苦雨詩中四語云誰與魚
龍平霸氣欲招花鳥出愁鄉朱絃暗撥陽春曲白
面新熏秘省香指幼李也艾晉草久佚僅存近體
一首

送友人入都

送君燕市去前路正秋風九月飛霜白千林落葉紅饑寒
知俗薄志氣耐途窮話到悲歌處看君氣作虹

唐十泉時淵

二首

時淵字十泉邵陽諸生十泉有名於時與陳百是
車涵夫諸老交詩格亦老到惜不多見

同遊冰谿次韻

不知何代樹半是蔦蘿封村出高低影煙迷遠近峯忘機
魚縱壑隨意水傭春擁鼻酬高調從君一叩鐘

一 桃花洞

可是仇池古穴不茫茫元氣此中收天開堂奧雨靈化人
立虛空悟幻遊花片豈經秦日月雲根或識漢春秋儘多
深處問雞犬寄語漁郎莫覓舟

楊太素素一首

素字太素新化諸生少孤事母至孝動息不離左

右母死廬墓三年性恬澹不營生業嘗築別業曰
竹塋大署其上曰學慙爲脈望性恥作陽鱗其志
趣可想好作詩今無傳本僅存七絕一首

卽目

潮滿難低石
漸平半天煙
雨半天晴
漁人撥棹蘆花晚
寒渚無雲月自生

易無畫畫一首

畫字無畫零陵人王山長有送易無畫下第還零
詩唐魏子有蔣道生易無畫罷試還永州過訪詩
蓋亦一時名流也

過惇江蓮因寺訪白上人

偶到蓮因寺因尋德士來半簾青嶂合一逕野花開樹影
連溪沒蟬聲入暮哀幽懷堪靜對此地卽香臺

邱默仙易二首

易字默先一作默仙黔陽人縣學生玉瑯隱君之
孫式耜聖公之子聖公重修月沛園藏書甚富縱
默仙博覽遂工吟詠所存詩不多近吾友黃虎癡
學博本驥與臨桂龍見田大令光甸編輯月沛園
詩鈔并繪圖鐫木以一冊寄示中有默仙二絕句
楚楚有致在諸邱中亦可謂不愧門風矣

月沛園春曉

燈燼簾櫳燕語時風光豔冶自支持雨中莫道春將老褪

蓋腥紅又綠枝

牙籤叢裏古風存
向曉翻書帶雨痕
我自開軒風自入
閑看新筍出頽垣

孫彝叟祺鼎一首

祺鼎字彝叟華容人
諸生華容孫氏世有文學
彝叟詩所存不多猶不失
洞庭雲夢家法

君山寺

來尋湘妃廟遂憩君山寺
仄徑旣委婉陰崖亦殊異
龍宮遠萬壑瑤殿圍雙髻
空朦梵日臨掩映祇林蔽
欹宇半顛落迴廊莽閼閼
憑虛佛榻幽倚石禪堂
邃臺瞰軒帝遺甃留孟公
識地遠興故饒情高跡仍
繫落日含水曲回雲度

湖際停橈傍漁舟張筵分爻位暮景垂星河晨曦靄蒼翠
蕭然一宿餘解纜非吾意

夏國璜 一首

國璜武岡諸生

龍潭

不知何處雨疑或有龍靈谷靜生空白江虛送晚青鐘聲
沈沈悶漁火溼沙汀但覺一天冷時聞雲氣腥

李枝茂 一首

枝茂新寧人

瀑布泉

雙峯上拂煙霞窟飛泉深倒蛟螭穴瀉落銀河破山翠寒

透疏林風亂發鏤珠從玉無時歇空中散作彌漫雪怒濤
驚吼凜毛髮時作松聲刷蒼碧片片白雲起復滅屑飛清
賤入毫端大筆因之成斗絕

朱昌時一首

昌時武岡人一作瀏陽諸生

芙蓉山後老翁歌

山後老翁住山裏日飯山苗飲山水自愛林下少人煙那
曉人閒有城市吾聞老翁不蓄畬畬畬不免欠官租又道
老翁屏交際交際猶恐身將繫樵蘇嬾爨素家風相對天
機已渾融只此幽閑意無盡明日還來坐倚松

按芙蓉山在新寧金城山之後鄧子與先生晚年
嘗自鷺田峯徙居於此或云此詩卽爲先生作也

趙而方 二首

而方長沙人字履無考當是洞門尙書族子

曉起望鄰庵有感澹生

曙鐘殘月落高閣一燈明恍惚昨宵夢淒涼十載情曉光
分樹杪霜氣滿江城一自知音去高樓罷笛聲

石門天竺寺

迢迢天竺傍雲岑一派松濤萬壑陰回首石門山下路來
時不信白雲深

花湛露 二首

湛露字竹庵巴陵人仕履無考明代有花之蘭者
以貢生官縣令湛露殆其後人也

遊君山書壁

錢塘一怒捲千尺雲夢片時傾八百橫展龍宮水晶簾直

通碧落鬱蕭宅赤沙繪錦都梁香

自注赤沙湖在洞庭西

銀浦浴日

雲母射帝子哭老蒼梧秋仙人吹醒老龍魄肥汀綠影藏
花洞古井陰雲出草隙弔古書懷擬殺青讀騷命酒呼芳
澤滿山犢角飽寺僧數畝紫茸供過客隔水樓搖蜃拍浪
倚山亭寂螺分碧巫山蜀雨看沈沈吳頭楚尾長脈脈雨
工牽率走何方木奴猶帶釵痕色

初夏登岳陽樓次韻

樓倚西城宅倚樓

自注余家距樓數武

青螺雪浪眼前收琉璃全裏

天無地溟滓常蒸夏欲秋平展鮫綃供海藏雄皺水墨壓

丹邱憑闌寄嘯尋高韻吳楚東南句未酬

楊旭 二首

旭字曙庵武岡人有澹長園詩集

樂志篇

僻性愛溪山孤懷耽幽谷幸有負郭田可以供饘粥擴彼
半畝園小構三間屋前植兩株梅後繞一林竹松菊漸栽
培牆籬次第築花開月正上客至酒偏熟相對其歡然卽
景豁心目儘可樂餘年何用勞碌碌

偶成

喜無冠帶束幸得一身閒冒雨堪尋菊乘秋好看山倚泉
松謾謾挂壁瀑潺潺老我煙霞侶長年一閉關

夏惟和二首

惟和字萬協湘潭人

松園坐月

自注園爲君憲世父舊業

一畝幽樓地蕭然遠却塵逕紆容散步花發正當辰偶坐
今宵月因思舊日人山川眞面目待我欲重新

山中避亂月夜過家園有感

戎馬環郊集藏身憾計窮過門三徑冷訪舊四鄰空犬吠
孤山月蟲號破屋風荒涼愁欲絕何日太平逢

沅湘耆舊集卷第五十二終

沅湘耆舊集卷第五十三

新化鄧顯鶴洲臯編輯

長沙毛國翰青垣校訂

趙吉人而愷

十四首

而愷字吉人長沙人縣學生早卒著有拾霞初草
河西草吉人不見方志於洞門尙書爲族子遠近
無考要以見趙氏門才之盛也詩格調近古與友
沂並驅未易優劣

偶作

丈夫重鬢眉誰能識人意炙燕垂作鈎神龍不肯餌秦鏡
沒深淵無處鑒魍魎芝菌草之妖愚人指爲瑞嗟彼屈正

則行吟白顙顙舉世無一可出門隘天地買山不入深逃
名身爲累作書戒同心寶才甯世棄白纈語脈望終身空
食字蛻形竄酒國醉醒各無事

行路難

漢江深不流波濤安可測辭江入蘆溪百曲不肯直大別
在何許滌潑望楚國風雨從茲來歎無好山色杯酒醉禪
悅觀生杳無極曉夢入琳宮登臨生羽翼卜歸人事煩溽
暑百愁逼那得清風至吹我林端卽精瑩白日光陰雲翻
見蝕種瓜緣樹顙高潔不得食

訊菊

白酒侵青鐙相對不能寐我愧非幽人笑爾清香寄疏落

本無心向人不肯媚寒溫謝春秋榮萎恃天地澹然秋霜
前披離心已醉

湘水深

湘水深白日暮石嵯岈浪吞吐山魃嘯水怪怒前路難行
君且住雲樹茫茫墮煙霧零陵石燕多風雨孤帆今夜宿
何處

胡爲行

銀河炯炯夜欲秋洞庭水滿秋月浮雙鯉勸盡盤中粒玉
壺酌君君莫愁莫愁出門易饑渴莫愁行路多阻修片帆
樓下別黃鶴簫鼓橫江驚白鷗白鷗浩蕩語黃鵠空憶瀟
湘隔寒玉漢陽樹盡青山來蘆花夾岸滄浪曲一葦寒煙

折萬溪看徧潏川僧寺竹

自注先自潏川始至西陵

曉笛乍聞楊柳風

行吟踏碎莓苔綠欲探齊安赤壁好馬蹏復走黃州道未

肯猪肝累故人年少出門眞草草千里萬里關與河豈期

門外卽風波心肝吐出贈知己素餐白日顏如酖若有人

兮衣薜蘿六月風吹寒更多君不見修竹化龍逝葛陂懼

多讒兮心孔悲松柏蕭蕭鴻雁遠長沙秋暮人歸晚

送友人二首

本是天涯客何須弔影孤詩書勞歲月愁病寄江湖定遠
新投筆終軍早棄繻莫將臨別淚輕染蓼花圖

握手到今日淒涼只此身秋山如客瘦曉月共誰親慘澹
憐知己窮愁託故人頻年傷遠別怕憶故園春

壬子秋下第呈同舟諸子

慚愧此江水翻疑泛海槎
焚書空憤世收淚各還家
歲月驚秋葉功名付落霞
強顏問舟子何日近長沙

甲寅五月長沙大水卽事

漂泊綠林杪纔知棟宇恩
波濤穿屋出雷雨助天奔
鳥亦棲窮木蟲虛泣斷垣
羽書方警急民瘼未遑論

齋夜無鐙口占示方盧一士

月好難孤寐霜嚴出苦吟
冬心千籟肅夜氣一樓深
默念安羣動冥情息衆音
寒禽棲不定時復警疏林

衡陽夜雨

斷續空庭外淒其各有聞
簾疏聲易入竹亂響難分
已厭

嘶征馬還愁溼禁軍峯頭難去雁何處落紛紛

西陵送別范則仙之江南

蟬噪深林綠滿苔客中誰道汝能來舟車到處憐同病風雨頻年歎不才賦就莫題鸚鵡岸詩成好上鳳皇臺別時柳色今攀盡愁有秋聲隔樹催

奉和侯樸庵明府飄屋原韻

自注結屋湘渚九月三日爲風所飄

狂風催雨楚城西一徑黃花葬井泥石砌亂翻高士傳草堂莫問故人題簷簾盡徹四天迴門徑無遮五嶽低留得霜林驕客醉雙柑斗酒尙堪攜

月下梧桐

小齋欲晚四軒開樹樹蟬聲次第哀但是梧桐留夜月不

須清影上牀來

簡托雍徐芳 十四首

芳字蔚子本姓徐長沙人育於湘鄉簡氏故又從
簡姓字在雍當時徐蔚子簡在雍之名最著實一
人也順治末以歲貢官帶德訓導有種竹亭稿王
船山先生序行今未見各體詩見於方志選本者
頗多古體才氣縱橫時多膚棘近體頗沈著然亦
稍染竟陵習氣夕堂顧甚重之夕堂所與遊多肥
遯苦節前朝遺老蔚子官本朝夕堂待之不少
減知其致此必有道矣豈亦有不得已於中耶

船山

先生種竹亭稿序畧陽禽回翼地遠天孤一綫斜
陽疑非疑是江湖皆繪繖之鄉沙塞杳帛書之寄

刀兵隊裏有臆無詞生死海中當離言合蕭蕭笳
吹酒夕驚寒此蔚子所為羈落之胸哀歌河上者
也蔚子之心遠矣余與蔚子雙影相憐不禁神盡
又何足以長言耶嗚呼悲愉之情極乎壯老俯仰
之致况有滄桑矧自把臂以來莫匪銷魂之地乎
共此湘湄各有妙妙愁予之目而余少於蔚子衰
乃倍之袁伯業老而好學陸務觀取以名庵蔚子
交遊半天下存者幾也余幸而好不禁為蔚子動
連亦何能不為蔚子勸勉與

小普陀晤郭幼隗王山長謝叔孚諸子

精舍尙如昔闔戶三四友僅見詫為奇悲歡意各有蒔舊
香幽地花氣生戶牖滿堂寂滅情空王示臂手亂離痛未
經不忍俱開口開緘誦新詩相對淒然久禪牀明月光呼
童翦春韭

些翁補山堂歌追和陶密庵

詩品曾褒鳳闕虎人閒。那肩簷籬羽閭闔。昔披五色雲龍
宮。灑持三丈雨。一曲扁舟來鏡湖。蒼梧淼渺君山孤。裴笠
羣鷗同上下。秋水生涯信有無。水天一色不盈咫。萬古湘
流巢父耳。獨疑眺聽無松聲。一夕層巒四壁起。高撐蘆葦
出蓮舫。移家欲入松濤裏。天地滄桑說已腐。草堂石骨天
柱補。臥遊且對嶺上雲。域中奇秀指可數。誰染此綃挂君
堂中流。屹立開天荒。東籬應見南山蒼。採芝食朮甯徬徨。

冬村卽事

白日荒遊子。青山媚舊知。寒花仍覆徑。稚柳已成絲。入坐
悲生死。相逢訴別離。淒清何所見。悵望夕陽時。

稍緩須臾念。訛聞卽閑然。可憐星在霜。不定鳥驚弦。刀俎

沈州耆舊集卷之五
羣生命輒敵萬物天怡心殊莫遺落雁滿霜田

山房書事

曲沼如宜雨荒榛亦自花荷鋤紅溼後印屐綠陰斜松響
鶯飄夢梅痕蝶散霞一廬交草樹何意羨浮槎

無才理世法乃爾肆孤騫光氣生虛幌晴雲暗遠村滌胸
泉石重寓目古今存擁卷非徇癖寒暄不及門

章廣明將之任嵩明邀飲東門

自往偕許子羽尹若

悲秋心切更登臺湖海同人對酒杯帝里銅駝憐鳳沼漢
郊天馬重龍媒令嚴石棧孤城急嘯倚樓扉八面開東望
鄉關莫回首詔南君且藉長才

新燕

一番花事一傷神。獨自深閨獨歎春。夢語難通思譯本歸。
飛何自。悟微塵。山中入幕稱賓客。竹外銜泥問主人。猜畏
不須吾自許。出門風景遍相尋。

衡州作

江城煙靄布氤氲。絲管喧嘈兩岸紛。嶽七十峯纔一見。粵
東西路此中分。鳴榔遠浦迴湘雨。高幄南天小岱雲。試訪
蘆翁應好在。遐蹤肯示曠年聞。

己巳人日訂業白泉庵中

幾回心跡與春期。養性精藍坐臥宜。天結一庵雲外影。人
歸諸界鳥邊窺。再盟方丈維摩室。續構東林惠遠詩。一拜
門符成往事。首粘戒律是歸思。

雨夜飲賀兆聖先輩宅

興酣問展卽爲歡
愁緒從君領
畧寬縣僻市喧
猶野境身閒
士賤亦尊官
茗香初熟
廚煙細
庭雨空濛
燭影寒更快
忘年無禮數
呼紅意滿未曾闌

詠荷曲

朝香送遠風月宿照清渚
慎莫盪舟來驚我鷗鷺侶

贈澹姬二首

羅帶秋寬碧釧鬆
檀痕珠淚倚芙蓉
應憐明月虛聲步
莫道遊絲繡履逢

妬盡鶯花十四樓
背闌何意理箜篌
相看祇取臨窗月
空有重城不鎖愁

石迂叟帽森 五首

帽森字天半號迂叟湘潭縣學生迂叟一曰退庵
一曰賸人一曰狂奴一曰壺山有桐廬詩鈔迂叟
有兄曰崙森字天際古之振奇人也當康熙中吳
逆初平奉 詔蠲免丁糧而州縣徵斂如故詣闕
上書力陳湖南疾苦 仁廟改容動聽給勘合
護送回籍卒得直民困遂甦他事多類此爲忌者
所中卒死於市其詩稿未見

山居二首

和風駘蕩日臨窗蛺蝶飛來自一雙計節正當迎社候呼
僮又樹禁煙椿清齋事簡看花譜野寺閒過禮法幢信是

仙源人罕識夜深明月照銀缸

眼底何人漆與膠胸中傀儡一時澆梁鴻有志難因熱揚
子無心自解嘲天上荒唐牛女會人間寂寞雨風巢莫從
時序傷搖落埽徑呼僮又補茅

君山

峯巒十二聳山靈萬頃波光一點青孤鶴夕陽高岼唳老
龍明月滿湖腥丹鉛已失軒轅鼎蔓草空餘帝女亭我欲
穿崖尋竹杖樵人指點說南屏

巖上竹和賜金園春山八韻之一

翠碧丹巖隱此君誰人灌溉費殷勤非圖截笛吹明月愛
有長梢聳白雲位置應從鸞鳳得品題自與菊松分茅園

湖浪士晚歲亡命遠遯不知所之其詩粗獷蕪塞
頗不入格吾友毛青垣襄校勸選一二以存其人
因覆檢視如書感云白眼忽青緣俗少素衣全黜
怯塵多洞庭秋云玻瓈碧痕隨鶯睡冰壺晶日照
魚肥又云冰除垢膩開妃鏡日射琉璃作佛鑑頗
不作常語至云澤畔姊歸因弟放蒼梧人杳怨天
崩則怨而怒矣此類甚多爲擇其稍平近者存一
首

長沙故宮

燕子何須問畫梁故宮瓦盡散鴛鴦萬春池上花俱沒三
洞山頭石自僵永巷無人吹玉笛短牆有鬼泣香囊許多

沙洲春草集 卷第五十三
歌舞承恩寵輪與苑狐作戲場

朱伯有快先 二首

快先字伯有湘陰人仕履無考

秋夜

秋風夜相逼吹此斷腸聲
悄夢驚梧落愁思怯雁鳴
月高千嶂曉露下百蟲清
歲序何遷次勞人是五更

和楊仲丹先生草堂韻

亂山環合水侵門竹塢蕭蕭秋欲昏
蘿徑參差餘草色柴門黯黯駐雲根
頻來野鳥呼儔侶幾見寒猿領子孫
客夢依依鄉國遠西窗夜雨聽翻盆

陳國子治行 二首

治行字侶琴攸人國子監生有集未見

送李子守歸長沙

離情款款不能支江上煙波送客悲寺裏殘鐘人散後
山白時予守寓天邊細雨獨歸時當前樂事如川逝別後淒涼
過果寺有夢思驛路梅花隨櫂去不堪悵望暮雲垂

湘潭劉恭人有藏園賦詩用杜工部歸成都五首韻
索和爲作一首

此中幽興不曾闌滌硯時爲到碧湍山裏惟求栽樹訣竹
邊閑選釣魚竿詩人屢過應題句仙客能來肯授丹花史
蟲經隨手著年來用意甚艱難

陳山人履謙一首

履謙字訥庵一字大涉攸縣學生史占監軍五聚
子史占遜居好客游道日廣訥庵繼之有田二頃
日典質以供賓客自稱天放山人亦一時之小平
原也訥庵著述甚富縣志稱其有集一百二十卷
今佚

太白酒樓

高視無低眉濶步無紆行誰能對如宦委曲學逢迎人生
快意耳功名安足榮試看江樓上猶聞勸酒聲

蔡魏若來徵一首

來徵字魏若攸人康熙初貢生有月麓堂集十卷
王山長淳槎集中有復蔡魏若書頗相推挹殆亦

一時名流今其集久佚止從選本採入一首其云
鸞樓亦攸詩人姓陳名梧有集未見

首夏登石龍峯次鸞樓韻

貪游拋卻釣魚磯且踰乖龍閣翠微地僻松能逃世劫
危雲欲上人衣遠山拂檻峯千疊古剎穿林竹一圍
底事塵緣猶未斷斜陽一騎又催歸

蔣歲貢本厚

四首

本厚零陵人康熙初貢生本生之兄有溶月堂集

高堂觀九折坂

僧靜有別裁開闢此閒路割來嵩少雲規作疑嶺步置我
嶙峋間十步九迴顧身與飛鳥翔勢似懸猿度笑語落幽

整冷然振林樹寒泉投松去下與積石遇
豁舒如大敵搏激生嗔怒我來一延佇皎皎若披素會當老此中招彼白雲住

朝陽巖次韻

半山江上浮垂流枕巉石欲尋元柳蹤
高邈疑無跡瀟水傍崖清村煙籠郭白
剝壁步前人翠珉眞可惜

讀忠潔公遺書

血誠落落十行字尙想掀髯執筆時
爲誓此身殉社稷空緘餘淚寄親知
霜天秋老寒泉重燕路魂歸故國遲
信有芳名光汗簡獨難揮盡友朋悲

東鄉橋柳

和煙和雨一溪搖蕙草亭亭立板橋昨夜羽書東下急纔
經戎馬便蕭條

張布衣鎮一首

鎮平江人

園林雜詠

白人深山少俗因終朝剃首不冠巾廢書豈爲遵秦政揮
麈何關學晉人風雨幾添新涕淚詩文饒有舊精神軒窗
高敞塵難到長日陰森不似春

鄧布衣承祖一首

承祖字蘭蔚攸人家貧事親篤孝力舉五弟之喪
撫孤姪皆有恩以布衣教授衡湘間著述甚富韻

語非所留意也今存近體一首

遊司空山

煙嵐深處卽仙家流水鳴琴一徑賒
珠樹猶棲千歲鶴碧桃仍放六朝花
苔侵丹竈鎔全蝕雲拂星壇石半斜
閑說當時冲舉事笑看天際起朱霞

金簡二首

簡字夢錫衡陽人仕履無考

贈可山元猷上人

開士幽棲處蕭疏屋數椽
鼻香花供養懷澹竹因緣白髮
無他事青山到處禪
巖頭應自悔空費娶妻錢

晚步

斜陽山色晚離離竹杖相隨步免欹
殘楊柳澗邊詩倩梳短髮風無力
藉照孤懷月可期擬補
移文封谷口鐘聲不覺過林陂

胡曷一首

曷字影柔湘潭人

唐公岫先生來城不值書此以寄

武陵仙人迴絕塵不知有漢不知秦
騎驢偶出花源路飼
鶴旋回洞口春行處但傳詩律細
別來那共酒杯頻似聞
體髮仍如舊可戴華陽道士巾

蔣本昌二首

本昌零陵人

冬日同陳參山王拙庵字臣弟遊澹巖

歲晏霜林薄閑遊共此心
拂苔摩石頂倚杖讀碑陰
翠結巖邊屋煙生竹外岑
茶香僧話別一路野雲深

宿福仙巖同故友夜話

野庵斜枕石峻嶒一宿談
心仗友朋除卻亂離無別語
相逢那不憾填膺

陳確二首

確字繹思長沙人

黃鶴樓聽友人吹笛樓中題額有天下江山第一樓
此米海岳句也

輞口詩人鵲渚遊酒酣逸興橫
滄洲憑將梅柳無雙管吹

向江山第一樓隔岸雲峯生潏潏遠天帆影去悠悠青蓮
漫道無佳句萬古荒涼鸚鵡洲

將往廬陵月夜乘醉登西城與友人別

疏星遙與女牆連萬瓦如鱗一片煙人語寂時才覺夜江
流盡處欲無天亂山合沓雲奔馬古澗噌吰樹響泉已約
扁舟泛空碧離觴偏是月將圓

雷象豫一首

象豫零陵人字履無考意象乾羣從也

哭陳忠潔公

五十年來百鍊身那堪氛祲甚黃巾盈廷空有三千士殉
節纔聞廿一臣生旣秉靈參嶽麓死當騎尾列星辰至今

風雨殘春夕碧血猶疑泣鬼神

白鼎允一首

鼎允零陵人字履無考

讀陳忠潔公遺書二紙感賦

家書一紙古銘箴絕筆琅琅寫赤心如此文章真典重可知志念最深沈雲沙萬里沈湘魄風雨三更叫楚音千古英雄悲憤在耶堪搔首一長吟

蔡上寬二首

上寬攸人同時有蔡上藹者字如春以廩生應聘爲嶽麓山長有志遊詩集未見

遊隱真巖

爲覓棲真所因扶訪道節逕荒梁代草門老晉時松入壑
霞光浸穿巖日影通真人何處去過耳一聲鐘

看山帶老眼出谷響孤筇送客亭無鶴迎仙路有松乾坤
雲寶秘今古石門通煙駕返何日遙聽曉報鐘

鄧士綸一首

士綸字九錫攸人

遊隱真巖

何年鬼斧鑿山洞竟日雲扃鎖寂寥野老依稀談往事殘
碑彷彿認前朝花能按溼無須紀鶴解馴人不用招輸與
老僧閒領畧焚香趺坐閱昏朝

李宗仙一首

宗仙字小白寧鄉人

上兵憲祖公時將南歸

汾水雲吹湘水清作霖湖嶽徧蒼生長沙痛哭關憂樂彭
澤歸來自性情掌上春留桃李樹耳邊風蕭雁鴻聲袞衣
一夜思東土莫遣雙鳬滯帝京

田慶年二首

慶年字文祉本溪州人世爲容美司宣慰使族裔
仕履無考

雨後聞鐘

自注時
客鄂渚

蕭蕭暮雨無停竭紙帳初垂鐙未滅何處清鐘半夜敲愁
人入耳腸先結聞聲非止一人愁天涯那得無離別

黃鶴磯頭九日作

萬里秋風九日來
干戈載道此登臺
故園祇在清江畔
不識黃花開未開